

難忘的旅行

各位評判老師、小朋友逐家平安，逐家好。今仔日看著濟濟的語文高手對遮來，捏紉拳頭欲拚播臺，今我嘛欲來試看覓，講好講糗，請佢手紗就夯予懸。這馬我欲講的題目是「難忘的旅行」。

若講著旅行，佇咱遮大漢當中，一定有去過真濟所在，若較好命的，人就去過真濟國家囉。毋過人我嘛是輸人毋輸陣，輸陣就歹看面，我嘛算好命的一个。

人攏會講「外國的月娘較圓。」毋過我想哪有影？出國旅行只不過是開眼界，增加智識，加認捌寡外國的文化爾爾，通常恁囡仔去外國旅行，攏會去世界大的遊樂區耍，去看影片的场景抑是古錐的尪仔，這哪有啥物心適咧？

予我印象上深的，無法度放袂記的「難忘的旅行」毋是去外國迢迢，是咱國內的旅行。會記得是幾年前的一个歇熱，阮規家伙仔去桃園的拉拉山森林遊樂區渡假彼擺。

遐無摩天輪、海賊船、雲霄飛車，嘛無童話故事內底的城堡佻古錐的尪仔，干焦有樹王公的神木森林、芳閣甜的水蜜桃佻古意的原住民，去遐旅行干焦迢迢遮的，哪有啥物好耍？哪會是我難忘的旅行咧？這無講恁就毋知。

彼年的歇熱，去到拉拉山區旅社了後，阮四界去行行看看咧，看街仔路的店頭咧賣好食的水蜜桃，阿母講慢且買咧，是按怎？原來聽講有奸商咧賣進口的水蜜桃，先看看就好，等一下才買。

食暗飽，聽講大埕遐有原住民表演的暗會，彼就樓頂招樓跔，阿母招阿爸，食飽趁勢早去佔一个好位，節目中竟然一个人分一粒在地的水蜜桃，閣有舂麻糍的活動，阮嘛起去做伙舂，舂甲真歡喜。出門旅行毋捌拄著遮趣味的代誌，有耍閣有食，我家己舂的麻糍家己食，有夠讚的。

還轉工，阮閣去神木區蹈山，拜訪千年的樹王公，空氣中的芬多精予人精神飽溱毋知仔好忝。

這逝難忘的旅行真趣味，予我記牢牢，足想欲閣去一擺。今仔日我的演說到遮。感謝！